



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«08» փետրվար 2019թ.

ք. Երևան

ՈՐՈՇՈՒՄ ԹԻՎ 404/2

ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ
ԴՆԵԼՈՒ ՄԱՍԻՆ

ՀՀ ՊԵԿ ԻՎ ՀԳ բաժնի առաջատար մասնագետ Գայանե Թադևոսյանս և առաջին կարգի
մասնագետ Հ. Հակոբյանս

Համաձայն ՀՀ պետական եկամուտների կոմիտեի նախագահի 21.01.2019թ. թիվ ԱՀ 404 հանձնարարագրի, ուսումնասիրելով թիվ 98-71 Ա վարչական վարույթը և հարկ վճարողի վերաբերյալ նյութերը

ՊԱՐԶԵՑԻՆՔ

05.12.2018թ-ին ՀՀ ՊԵԿ իրավաբանական վարչության պետի կողմից կայացվել է թիվ 98-71 Ա որոշումը <<ՎԱՐԱԳԱՎԱՆՔ>> ՍՊԸ-ից (ՀՎՀՀ՝ 00151396, հասցե՝ ք. Երևան, Արաբկիր թղմ., Արաբկիր 27 փ., 116/3, պետ. գրանցման համար՝ 264.110.890710) 706.133 դրամ գանձելու վերաբերյալ, որից հետո նշված որոշման շրջանակներում ընկերության կողմից վճարումներ չեն կատարվել:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշումների կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Արդյունքում թիվ 98-71 Ա վարչական վարույթի շրջանակներում չկատարված հարկային պարտավորությունը կազմում է 735.657 դրամ:

ՀՀ հարկային օրենսգրքի 431-րդ հոդվածի 2-րդ մասի 1-ին կետի համաձայն <<ՎԱՐԱԳԱՎԱՆՔ>> ՍՊԸ-ի բանկային հաշիվներում դրամական միջոցների և դրամարկղում առկա կանխիկ դրամի բացակայության հետևանքով անհրաժեշտ է ղեկավարվել ՀՀ հարկային օրենսգրքի 431-րդ հոդվածի 2-րդ մասի 3-րդ կետով և արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ հարկային օրենսգրքի 429-րդ, 430-րդ և 431-րդ հոդվածներով՝

ՈՐՈՇԵՑԻՆՔ

Արգելանք դնել հարկ վճարող <<ՎԱՐԱԳԱՎԱՆՔ>> ՍՊԸ-ին (ՀՎՀՀ՝ 00151396) պատկանող արգելադրման ենթակա այլ գույքի վրա՝ 735.657 դրամի չափով:

Նրան արգելել արգելադրված գույքը օգտագործել, տնօրինել և տիրապետել: Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել:

1. <<ՎԱՐԱԳԱՎԱՆՔ>> ՍՊԸ ՀՀ ԱԳԿ կոմիտե,

2. ՀՀ ոստիկանության <<Ճանապարհային ոստիկանություն>> ծառայությանը:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել ՀՀ հարկային օրենսգրքի 432-րդ հոդվածի 5-րդ մասով սահմանված ժամկետում: Որոշման արտադատական կարգով բողոքարկումը չի կասեցնում որոշման կատարումը:

Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Գ. Թադևոսյան

/Արգելանք դնող պաշտոնատար անձի անունը, ազգանունը/

/ստորագրությունը/

Հ. Հակոբյան

/Արգելանք դնող պաշտոնատար անձի անունը, ազգանունը/

/ստորագրությունը/

